

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

XCI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

tres de Blatesheim & alii quamplures. In assertionem autem hujus rei presentem chartam conscribi fecimus sigillorum munimine roborantes.

NB. Sententiam hanc confirmavit Conradus Episcopus Constantiensis IV. non. Jun. 1223.

(a) In secundo Instrumento deest.



XCI.

ABBATISSÆ ANDLAVIENSIS CHARTA ENDINGÆ  
DATA PRÆSENTE HENRICO MARCHIONE  
HACHBERGÆ.

A N N O M C C X X I I I .

*Ex Tabulario Abbatiae Thennebacensis.*

**I**n nomine Patris - - - Ego Hedewigis Dicta Abbatissa de Andila & ejusdem Ecclesie totum Capitulum - - - Notum fieri volumus universis - - - quod Waltherus miles de Nugirte: Cum esset ministerialis Ecclesie nostre de Andila omne predium suum quod habebat in villa *Endingen* tam vineas quam agros, prata, domos, areas & omnino quidquid habebat, super majus altare & in manus nostras, sicut moris est, cum Consensu & voluntate uxoris suæ Gutæ & filii sui Hu-

gonis resignavit, quod nos ad petitionem ipsius Waltheri, Guotæ, Hugonis, Monasterio & fratribus de Tennibach eo pacto & conditione concessimus & assignavimus super reliquias jam dicti Monasterii, quas tunc præsentibus habebat Dominus Heinricus Cellerarius fratrum eorundem, quod omni festo Sancti Martini Duo Denarii nobis exinde solvantur. Aliud quoque prediolum id est Domum & vineam in eadem villa eisdem fratribus sub eodem Censu concessimus, quod nobis Adelheidis, uxor Cunonis Græwelarii per manum suprascripti Waltheri resignavit, que cum esset Civis in Friburg ad Ecclesiam nostram pertinebat, ideoque per manus nostras hoc fieri oportebat. procedente tempore cum Dietricus Scultetus de Endingen haberet predium quoddam in Bottingen & antedicti fratres de Tennibach idem predium propter vicinias commodius sibi reputarent, si concambium cum antedicto Sculteto de prediis memoratis facere possent; habito inter se colloquio & communicato utrinque prudentum virorum Consilio LX. Marcas ei pro predio memorato Bottingen persolvere statuerunt, quarum sexaginta Marcarum, quadraginta ei de prediis suprascriptis, id est tam Waltheri de Nugirite, quam Adelheidis antedictæ persolverunt, nam ad valentiam XL. marcarum eadem predia taxata fuerunt cum pratis quibusdam Chencingen sitis, que ei nihilominus ad memorata predia addiderunt, Deinde solutis sibi XVI. marcis puri argenti adhuc restabant quatuor persolvendæ, quas dederunt - - - - filio fratris Waltheri antedicti & fororibus ejusdem pro predio quodam Endingen sito, cujus predii Salman erat ipse Scultetus & frater ejus Colarius, quod pretium ipse annuentibus illis, id est - - - & fororibus suis pro pretio quatuor Marcarum recepit &

& sibi retinuit & taliter summa LX. Marcarum integraliter fuit persoluta. ad majorem cautelam predicti fratres de Tennebach idem predium de Bottingen à Sculteto nobis & Ecclesie nostre resignatum de manu nostra receperunt pro duobus Denariis annuatim exinde persolvendis. ut autem haec transactio firmum robur obtineat. - - - -

Acta sunt haec ab incarn. Domini M. CC. XXIII. IIII. id. Maii. indict. &c. in villa Eendingen presente *Marchione Heinv.* - - - -  
 testes & alii quam plures.

NB. Sigillum habet integrum.

XCII.

EXCERPTA EX LITERIS HEINRICI REGIS ROM.  
 DE CLEMENTIA, BERTOLDI V. VIDUA.

A N N O M C C X X I V.

*Ex authentico tabularii Dolensis apud Petrum Franc. Chiffletium in Epist. de Beatrice Com  
 Chalon. pag. 113.*

**H**einricus Dei gratia Romanorum Rex semper Augustus universis Imperii fidelibus, quibus hæ litteræ ostensæ fuerint, gratiam suam & omne bonum. Significamus Vobis, quod coram nobis jam pridem apud Bernum in Judicio residentibus talis lata fuit sententia, quod nos Dominam

*Cod. Dipl.*

Y